

Visoki predstavnik zahvalio ambasadoru Lawrence Butleru na obavljanju funkcije i zatražio od gospodina Raffi Gregoriana da preuzme dužnost prvog zamjenika visokog predstavnika



Visoki predstavnik Christian Schwarz-Schilling je zahvalio ambasadoru Lawrence Butleru na poslovima koje je obavljao na funkciji prvog zamjenika visokog predstavnika u Bosni i Hercegovini te mu zaželio puno uspjeha kada je saznao da je prvi zamjenik visokog predstavnika pozvan da se vrati u Vašington i preuzme nove značajne dužnosti.

Visoki predstavnik je zatražio od gospodina Raffi Gregoriana, koji trenutno obavlja funkciju supervizora za Brčko i zamjenika visokog predstavnika, da na privremenoj osnovi preuzme funkciju koju je obavljao ambasador Butler.

«Izuzetno sam zahvalan ambasadoru Butleru na svim ulozenim naporima», rekao je gospodin Schwarz-Schilling. «Bilo je zadovoljstvo sarađivati s njim tokom proteklih godinu dana. Njemu i njegovoj supruzi Lindi želim puno sreće na poslovima i zadacima koji će biti veliki izazov.»

Ambasador Butler je preuzeo dužnost u BiH u martu 2005. godine i bio je prvi zamjenik visokog predstavnika Christian Schwarz-Schillinga, a tu dužnost je obavljao i za vrijeme mandata Paddy Ashdowna. U Sarajevo je došao iz Skoplja, gdje je bio američki ambasador.

Visoki predstavnik je zatražio od dr Gregoriana da obavlja funkciju vršioca dužnosti prvog zamjenika visokog predstavnika i da istovremeno nastavi obavljati dužnost supervizora za Brčko. Dr Gregorian će obavljati svoje dužnosti i u Brčkom i u Sarajevu.

Dr Georgian je 16. septembra prošle godine postao peti supervizor za Brčko, nakon dugogodišnjeg angažmana na pitanjima vezanim za bivšu Jugoslaviju. Prije preuzimanja dužnosti supervizora za Brčko, gospodin Gregorian je bio najviši civilni zvaničnik zadužen za reformu odbrane pri NATO štabu u Sarajevu i politički savjetnik komadanta NATO-a.